

RŌJAÑ KO ÑAN AN ARMIJ AEN DOON IM KOBA IBBEN DOON

May 11, 2022 9:53 AM MARSHALLESE

Aen doon ibben ro mōttam, baamle, im jukjukinbed aurok ñan ejmour in kōmelij im ad bed iturin armij. Iomwin yiō ko ruo remootlok, elab ad kar katak kin wāween ad kejbarok doon jen COVID-19. Jemaron kōlablok ad kejbarok doon ilo ien ad aendoon ilo ad kōmmāne jet kūltien kejbarok ko.

Kadiklok uwōta ko ñan kwe make im jukjukinbed eo am

Ilo ad katak wāween ad mour kin COVID-19 im jino bar aen doon, kememej in:

- Bed mweo imōm ñe kwōnañinmij. Elañe ewōr am nañinmij in COVID-19, būlu, molo, ak bar juon nañinmij, aurok ad jab kebaak ro jet ñan nañinmij eo.
- Kadedelok ad bōk wā in COVID-19 ko ad im wā in būlu ko an kajojo yiō. Wā ej wāween kejbarok eo elabtata jen nañinmij kauwōtata.
- Niknik am ikūt in kwal beim im karreo jikin ko elab jibwi.



Lomnak ke jet armij rebed ilo joñan uwōta eo elablok ñan bōk nañinmij kauwōtata

Lomnak kin ia eo kwōnaj bed ie im wōn ro kwōnaj bed iturier. Eloñ armij ro rebed ilo joñan uwōta eo elablok ñan aer bōk nañinmij kauwōtata, deloñ aujbitol, ak mij jen COVID-19. Kūltien kejbarok kein relablok remaron jibañ kejbarok armij ro elablok joñan uwōta ñan er, ekoba ro rerūtto, ro rejañin wā, im ro ewōr kadede aer nañinmij.



- Kein kalbubu iturin māj ko rej kejbarok kwe im armij ro jet, elabtata ilo ien ko elab joñan COVID-19.
- Aen doon inaboj ak ilo jikin ko iloan em emmon an diwōj deloñ mejatoto (ebellok wūnto im wōr deel ko ñan an lablok an diwōj deloñ mejatoto) elablok kejbarok jen aen doon iloan em ilo jikin ko redik.
- Ñe kwar kebaak juon armij eo ewōr COVID-19 ibben ilo raan ko rej kab jemlok, lomnak am karumijlok am aen doon ibben ro jet, elabtata ñe rebed ilo joñan uwōta eo elablok ñan bōk nañinmij kauwōtata. Lale kwe make ñe ewōr kakōlkōl ko ibbam iomwin 10 raan.



Kile joñan an armij jab abnōnō kin aer bed iturin armij ro jet

- Jet armij remaron kajitōk am wōnmaanlok in kōnake juon kein kalbubu iturin māj ilo ien am deloñ iloan moko mweir.
- Jet armij remaron kōnaan ekōnak kein kalbubu iturin māj, jekdoñ ejellok ej kajitōk aer kōnake.
- Jet armij emaron lablok aer jab abnōnō in aen doon inaboj wōt, ak ilo an eiēt armij.
- Ad kautiej lomnak ko an kajojo armij kin kūltien kejbarok ko rej kōmmāne ej juon wāween eo emmon ñan kwalok ad kea kin doon.

Melele in kajinet emaron jañij ñe enaj lablok joñan COVID-19

Jelā kin joñan [COVID-19](#) ko ilo jukjukinbed eo am bwe kwōn maron kelet kūltien kejbarok ko kwōnaj kōmmāni ñan kwe make im ro jet. An ajeeded COVID-19 emaron jelōte lomnak eo am kin am etal ak kōmman ien aen doon.

